



Kuei,

Ume anutshish nimishta-milueliten e itishamatakuatsh aimun.

Ekuan ume nipinitsh 2019 tshi apatelitakuatsh atusseun tshetshi kashtinimuk mishta-Tshishe-Tipelitamun tshilanu ilnuatsh Peikuitsh ka ishilniuk. Tshitapuetakanitsh ne mishta-Tshishe-Tipelitamun kie mahk tshimashinatahikanitsh mamu tshilanu kassinu ilnuatsh kie tshinashekanitsh tshetshi mamu ueshtakanitsh shash naushunakunipan tshetshi tshishtin nikanishtetsh nite Tshe eishi nashekanitsh 2017-2021, tshetshi aishkatsh piminitshuik tshilanu ilnuatsh Peikuitsh ka ishilniuk.

Nipa miluelitenan ne atusseun takuhimatsheun, mamu atussanuatsht kie ui pushipalinanuatsht e aitunanuatsht tshika mamu aitunanu kassinu etishuik tshetshi milupalitishuik mamu Peikuitsh eishinakushik tshetshi miam milu-kashtinakanitsh miluelimun pahpeik<sup>u</sup> ilnu kie kassinu ilnuatsh. Ne atusseun e mamu eitunanuatsht tshika milu-kashtihikanu e eishinakushiuk, tshitilnu-aitunu kie tshitassinu.

Ka mamu apita Tipelimitishun tshika neuatsh e apita ilnuatsh utelimuaua ilnuatsh Peikuitsh ka ishilniuk kie tshipa nishtuatsh takuhikanissatsh. Tshuishamitanan tshetshi petsh apiekie kie tshetshi uitishiatsh.

Tipelimitishun, e tipelimitishuik, ka nashamuk tshetshi kashtinamuk mishta-miluu an kie mahk tshika uitishikunu tshetshi kashtinamuk mamu kie ishpitelimitishun at ma nanahku e ishinakushik.

Kassinu etishiek takuan tshitapunuu ute e taik mamu tshilanu ilnuatsh Peikuitsh ka ishilniuk!

*Clifford Moar*

*Ilnutshimau Pekuakamiulnuatsh*

## Tshekuan mahk ne ui tapuetakanitsh ne mishta-Tshishe-Tipelimitishun?

E tipelimitishunanuatsht ei an tipelitamun e kanuelitamuk tshilanu ilnuatsh Peikuitsh ka ishilniuta. Ne tipelitamun nishtuapahtakanu kie shutishiteieshkakanu ne Déclaration des Nations Unies ka ishinikatetsh e tshitapahtakanitsh ilnu tipelitamun eiku mahk kamashinatihishuta Canada ka ishinikatetsh assi.

Mishta-Tshishe-Tipelimitishun utsh ilnuatsh Peikuitsh ka ishilniuta ute utsh Pekuakamiulnuatsh tshika tshishpeuatshipalu tshitipelitamunua kie e eishinikatishuik nite tshitassinahtsh. Tshika issishuemikan tan eishi uapamatishuik, tshishtin tshika ishpalu e tshitapahtakanitsh tshitipelitamunu mamu aitunanuatsht kie pahpeik<sup>u</sup> ilnuatsh e tshitapamakanita nite e taik tshilanu ilnuatsh Peikuitsh ka ishilniuta kie tshika tshimitakunu ashpihtishimunikakanitsh tshetshi tshishe-utshimaukatetsh kie mahk ne tipelitamuna nite ka atusseshtaka tshetshi tshishtin nashekanitsh tipelitamun, ka mamu atusseshtaka tipelitamunilu kie ka mamu ueeshtata tipelitamunilu eka milupalihuetsh mishue Tshitassinahtsh, tshitassinu.

E tapuetamuk ne tshi mishta-Tshishe-Tipelitamunu, tshika nanishtuapimitishinanu e mamu ilniuk, nanishtuapatenanu tshi mishta-ashpihtakahikan, tshitassinu kie mahk tshikatitishiunanu e tutamuk tan e itelitamuk. Ka shutishimikatsh uesh ne atusseun e tipelimitishunanuatsht e tshitapamatishuik kassinu mamu shuk tshetshi kashtinamuk tshitilnu-tipelitamunu nite tshitshe-utshimau tipelimitishun, shuk e ishpitelitakanitsh nite ka atusseshtakanitsh ueeshtashun eukuan nite e ilniuk.

## Ka mamu apita Tipelimitishun

Tipelimitishun issishuemikan « e tipelimitishunauatsh », eukuan ne tshipa ashpitishimunanu ua tipelimitishuik tshilanu ilnuatsh Peikuihtsh ka ishilniuta. Ka mamu-apita Tipelimitishun tshika atusseshtamuatsh muhk eshinakuatsh atusseunilu, uiesh nush<sup>u</sup> pipuna, nanitukukuetshimeuatsh ilnuatsh, tshetshi mashinatihikanitsh atusseun ka ui tutakanitsh mishta-Tshishe-Tipelimitishun kie mahk tshishe mashinahatishuik tan itelitamuk ne mishta-atusseun.

Nitshe tshe mamu apita utsh ka mamu apita tshika tshishkutamuakanuatsh ushkatsh tshe atusseta kie tshika uitishakanuatsh shkan tshi atusseta. Tshika tshishikuakanuatsh kie tshika natshishkatutshenitsh peikua put peik<sup>u</sup> minashtakan e shenikanitsh atusseutahtsh Pekuakamiulnuatsh Takuhikan makie e utakussitsh. Muhk ute Mashteuiatsh tshika natshishkatuatsh. Ne mishta-mashinahikan utsh ka mamu apita Tipelimitishun, takuan nite kassinu ui nanitu tshisselitakanitsh tan ishinakuatsh kie tan eishi pamipalitsh, nite takuan Web ka ishinikatetsh [www.mashteuiatsh.ca](http://www.mashteuiatsh.ca).

## E mashinatuhutishunauatsh

Kassinu ilnuatsh ute utsh ilnuatsh Peikuihtsh ka ishilniuta e tatupipuneshit 18 pipuna, shuk ui atusseshtak kie ishpishit, itelimitishit e takunilitsh tshetshi tapuetuakanit, uishamakanu tshetshi mashinatuhutishit, e mashinahitshet makie itishamatshet, tanite ua apit kuhpaniesh makie e nikanapishtak, eshkaka 13 nissi-pishim<sup>u</sup> 2019 neu tatutipahikan e apahta-tshishikatsh ka ishitishamakanit nelu :

Francis Verreault-Paul

Ka ashu uaihtishiesht mashituepalitaunilu

Pekuakamiulnuatsh Takuhikan

1671, rue Ouiatchouan, Mashteuiatsh (Québec) G0W 2H0

Takapitshenikan : 418 275-5386, utatshishtashun 1292

E mashinamuakanit nite atusseu tshitapahtakanitsh : francis.verreault@mashteuiatsh.ca


Miam tshe mashinatuhutishit, tshi ishpalitsh, ne ilnu ka mashinahatishit tshika takunilu tshetshi uitak shuk e ui kanikanapishtak nite.

## Mashinatuhutishunanun miam tshe utshimau aiminanuatsh 25 nissi-pishim<sup>u</sup>

Tshika utshimau aiminanun utsh ilnuatsh ute ilnuatsh Peikuihtsh ka ishilniuta miam 25 nissi-pishim<sup>u</sup> 2019 nete Pavillon des arts et des traditions ka ishinikatetsh nete Uashassitsh, tshetshi naushunakanita neu ilnuatsh ka mashinashuta ute ilnuatsh Peikuihtsh ka ishilniuta tshetshi apita nite ka mamu apita, kie ne ka kanikanapishtak nelu. Kassinu ilnuatsh ka mashinashuta ute utsh ilnuatsh Peikuihtsh ka ishilniuta e ui mashinatauatishunauatsh miam kamashinatuhutishunauatsh ute assihtsh tshipatshi mashinatuhutishuatsh.

Nitshe ka nishtuta takuhikanissatsh ka milakanita tshetshi apita nite ka mamu apita eukuan nitshe Stacy Bossum, Patrick Courtois mahk Élisabeth Launière.

## E mishta-apatelitakuatsh papeik<sup>u</sup> atusseuna shuk e ui tipelimitishunauatsh



## Ne atusseun e nashekanitsh

Ne mishta-Tshishe-Tipelimitishun tshika takuan peikuan atusseshtakanitsh ne at ma peikuan kashtinamuk makie eka kashtinamuk ne shuk e ui tapuehtatishuik e ui tipelimitishuik. Tshilanu Pekuakamiulnuatsh Peikuitsh ka eishilniuk shuk uitutamuatsh nelu aht ma eka mamu tshikamulitsh uiesh kutak atusseunilu.